

Chindoto na Amaroro

Aramisi, 15.9.2016

Obochenu ase Omotongi O Kare na Kare!

CHINDOTO NA AMARORO

na

Jeanine Sautron

EKANISA YA FILADELFIA,

“ENTIGARI”

abwo barendete AMACHIKO

a NYASAE, amo N’ESABATO YE RITUKO

RIA GATANO NA KABERE,

CHUMAMOSI,

NOKWEGENA KWA YESO.

OKWEGENA kwa YESO:

OMOIKA

BW’OBO

BANI.

Chindoto na Amaroro

Egesieri 518, oborori Namba 1

OKOMAANOKA KWA YESO:

CHISIKENIDI [nigo bare mwanabanto bakororekana buna mosio obirecha]

OBORORI

⁽¹⁾ Nyuma gasansoire egetabu keria egeke gia Danieli 8:12-18, inkarora Hitira omoyia, eng’iti eria ebwate amagunchara buna ay’emanwa y’eng’ondi, bakogenda, bagatotiga tore intwe tweka, YESO nainche. Bono nigo twarenge intwe tweka.

⁽²⁾ Engaki yonsi narengese ase ekosi eye, YESO agantebia igoro ya **ARIMAGEDONI**, ogoitwa kw’egesaku gionsi ki’Abayahudi, ogoita abamenyi nemeyio, nomoerio bwe chingaki.

⁽³⁾ Inkarora YESO okumetie ase engencho y’obobani obo bwa Arimagedoni. Inkamorora ingereretie Hitira neng’iti eria ebwate amagunchara

buna ay’emanwa y’eng’ondi na tarengese namogoko ekerobarengese gosoka gochia isiko bakorwa ase amorererio aya aito.

⁽⁴⁾ Nyuma y’okooyera ake ase okomaanorwa oko igoro y’omobisa o kristo nebirecha biaye, naende nkamorora ng’a tagokiri, nigo arengereretie egentogete ekio kiamoichanetie mono na kiamochandete mono.

⁽⁵⁾ Agacha gocha asende, agansoncha na agantebia igoro y’okomaanoka oko gw’okoondokia igoro y’Abadibentista, abwo babeire abakayayu gochia ase Baali.

⁽⁶⁾ YESO agantebia: “Nigo kerikire ase egetabu gia Danieli. Bono nkobotoma nde gocha ase ore:

⁽⁷⁾ **“OmoSDA tari nonya noyomo oraminchorie!”**

⁽⁸⁾ **Chisikenidi** nao chirikire ase egetabu keria ekerabu egeke. **Chisikenidi**,” YESO agantebia, “nigo bare mwanabanto banga buna mosio obirecha. Rigereria **Esikenidi**; nigo akororekana buna ekerecha, otatiga ng’a ere mwanabanto na tari ekerecha.”

⁽⁹⁾ Korende YESO agantebia ng’a nigo babwekaine ebirecha. **Chisikenidi** nigo bare ensemoyemo y’obobani obo.

⁽¹⁰⁾ YESO agantebia eke iga, **“Abadibentista abwo bare abasaria, bare abatayayi mbanachwe emetwe nemeyio ne Chisikenidi, abwo nabanto banga buna mosio obirecha.”**

⁽¹¹⁾ **“Obobani obo bwonsi nigo bokorwa ase egetabu eke egeke ekerabu ekio kwamerire. Bono nkoboorokia nde asore.”**

Chindoto na Amaroro
Egesieri 518, Namba 2
OBORORI

⁽¹⁾ Ase oborori ngaika ase Abadibentista bamenyete, abwo begenete abanyene ng’a nabanto banchire na Nyasae igoro ase ense, korende

babwatokirwe gochia ase okobua kw'ebirecha ne **Chisikenidi**.

⁽²⁾ Inkabarora bare bosio bwa aase Abadibentista bamenyete: Nigo barenge ebirecha, **Chisikenidi**. Inkarora amasio abo, nemeyio ase amaboko abo.

⁽³⁾ Nigo narenge ase oborori. Isiko ase chinka chiabo nkaigwa ebirero bi'okwerusia moyo. Nigo barenge korera na gosaba erio banyore ogokonywa kwa igoro. Tindochi gokonywa kwa igoro kogocho kobakonya.

⁽⁴⁾ Ase oborori nigo narenge isiko. **Chisikenidi** nigo chiarenge kobachecheria. Bakaigwa bagosaba na nigo bare gosekerera amasabo abo. Amagima abo nigo arenge ase obokong'u, bagatiga korera; na bagachaka gosaba ng'ooro na akaba ay'okwerwa okonene mono, bakoboria igoro ebakonye bwango.

⁽⁵⁾ Tinaroche gokonya konde gwonsi. Inkarora ebirecha bi'omobisa o kristo bigoika aroro bibwate ebirwanero bi'esegi, besogete chianga chimwamu, nechikobia. **Bagaso ase Abadibentista bamenyete** (ekio Chisikenidi chitare korema gokora); *barabwo* bakaira abana babo, bakobakurura bosio bwabo, bakabaira isiko na nigo bare kobabutora emioyo bosio bwabo, buna ebing'wanso bia mwanyabanto.

⁽⁶⁾ Erio bakagenda ase chinka chiabo, ime ase chinyomba chiabo, na kobabutora emioyo ya abaibori babo.

⁽⁷⁾ Abasacha, abakungu, abana, *na* abagaka abagotu bonisi tibabwate obotamero, nigo bare inse ase okobua kw'ebirecha. Tibarenge konyara kominchoria korwa ase bire.

⁽⁸⁾ Nkorokigwa **okororekana okwo okwo ase Abayahudi abwo batigarete ase riroba ria Fransi**, ase engencho y'obotenenku bwabo obwo basangereirie ime ya Fransi.

⁽⁹⁾ Ebirecha, biesogete chianga chimwamu, ne chikobia, nigo biare kobabutora emioyo ase chinka chiabo ime, ase chigoroba chiabo ase abanto abange bamenyete, ase chinyomba chiabo. Bagachincha abasacha, abakungu, na abana ba Abayahudi.

⁽¹⁰⁾ Inkarora bakomena amanyinga abo. Nigo barenge bonisi arakabere ebirecha nabanto bakwete

abwo bakoba moyo bacha botuko konyunyunta amanyinga ya abare moyo naende bairana gochia ase chimbera chiabo abwo bakorokwa Chivambaya.

⁽¹¹⁾ Buna YESO omwana o Nyasae, konyora ang'orokeirie *igoro* **y'omosaria**, "ARIMAGEDONI, nigo ere enamba y'esegi ya bobisi egenire, engencho yaye," omwana o Nyasae agateba:

"Ense, yairirwe
nomobisa o kristo
nebirecha biaye,
ogoitwa okobe kw'abanto
abange."

⁽¹²⁾ Ense nebe ase abanto baraitwe ase obonge ase enchera embe mono. Ebirecha nabirobio boigo nigo bire Chivambaya, abakonywa amanyinga.

⁽¹³⁾ Nigo narenge koiguswa, nkaborwa chinguru:
ARIMAGEDONI.

⁽¹⁴⁾ Abamalaika ba Nyasae bonisi banyorire ogochika bairane gochia *igoro*. Bono tibakogenderera koba igoro ase ense korenda mwanyabanto korwa ase okogamberwa na saitani nebirecha biaye.

⁽¹⁵⁾ Engaki eye yachire. YESO (amo na ise) bachorire, kobeka omoerio bw'obotindi bwa saitani na obwebirecha biaye goetera ase okoigora ebimanyererio bitano na bibere.

⁽¹⁶⁾ Omoika o Nyasae nigo orabe orusigwe pi korwa ase abanto b'ense eye ekero ebirecha birabe bikororekana kera aase.

Chindoto na Amaroro
Egesieri 518, Oborori Namba 3
OBORORI

⁽¹⁾ Inkarwa ase ense, nyuma yane ngatiga okororekana oko okobe mono.

⁽²⁾ Ebinto ebi bikororekana ebio bire ebibe mono bigasira korwa ase amaiso aane. Inkarora eema y'obomenyo bwa Nyasae igoro.

⁽³⁾ Ase oborori obo, nkaba ndoche eki kendererete ase ense. Inkaigwa ebirero bi'obororo, ogwechanda, amariga: "Batoitire."

(4) Inkaigwa abaibori bare mamincha ya abana babo, nabana bare mamincha ya abaibori babo, ase engencho y’okwegena gw’etini yabo. Inkaigwa ogwechanda oko, ebirero ebi nobororo ebio biagendererete gocha ase eema y’obomenyo bwa Nyasae aaria igoro.

(5) Ase oborori nkarora YESO ore aase aachenu mono eri’omoerio. Bono tabegeete eyanga yaye y’oboatibogeti bwe chinkoro chire igoro ase ense.

(6) Ekero aigwete ebirero ebi, YESO akaiguswa ase ogwechanda okonene. Tare kogenderera kobigwa, goikera akarwa aase aachenu mono, agaeta aase aachenu agaika gesieri ki’eema y’obomenyo obochenu ekio kiare koigoka gochia ase ense. YESO akaigora egesieri.

(7) Nigo nareng’e ang’e mono na YESO ase oborori. Inkamorora, omonto okorete bionsi ebi are konyara erio atoorie abanto b’ense eye.

(8) Ekero aagetie eriso gochia ase ense eri’omoerio, YESO, omwana o Nyasae, agateba, “Ekero nabarangeretie gose nabatomerete obotomwa, onde tari ong’iraneretie. Ekero nare gotura, onde tari ong’igorerete egesieri kiabo.”

(9) Agateba: “Genda bono na moreere emegwekano yaino y’ogosasimwa! Reera chinyasae chi’ense echio mwachorire.”

(10) Agatebia Abadibentista, “Genda moake eriogi na morere gochia ase emori y’etahabu eyio mwaagachire:¹ Tiga ebatoorie! Tiga chinyasae² chiaino nemori y’etahabu bibatoorie,³ Abadibentista abatayayi.”

¹ C/A 40:4:21, 28.4.1993 Ase ekanisa eye entayayi eyio ere Laodekia enkoro, nkarora ng’a ababwatani nigo baraire inse ase ogosarigwa kw’ebirengererio goika ekerengo batari konyara korengereria kende na tibari koigwa eriogi ri’omorisia oyio okobarangeria. Saitani onyarire gwesoyia ase bare

bobisi erio abe nokobua ase Laodekia eye enkoro. Ere [saitani] otiekire korenta obomo bwaye amo ne chikanisa chionsi chire ase obosaria. Ekanisa ya Laodekia enkoro nao erikire ase chibenchu chi’obomo bwe chikanisa. Omomalaika bw’Ezekieli 9 agateba, abamura na abasubati baminto abwo twanchete na twatigire, nigo bare inse ase egietubo kia Abadibentista be chikanisa chia Katoliki. Nigo aganyete okobekwa ekemanyererio koere erio aite ekanisa eye eyio yabete entayayi.

C/A 40:4:22, 28.4.1993 Yeso nigo abwatete abegenwa baye nokoboko kwaye erio atoorie abatigari abwo bararwe ase obotayayi obo. Ase igo saitani nigo atagete gosiria omoika bw’obobani.

C/A 40:4:23, 28.4.1993 Omonene agantebia, “Laodekia eye enkoro, yangire amorokererio aane na baroisirie emori y’etahabu, buna Abaisraeli bakorete ase erooro. Korende Musa agasorora okobaegerera, na nkabarorera amabera erio tibasirigwa. Korende rero, naonchoire obosio bwane korwa ase abanto abwo bekayayirie abanyene ase ogwancha nomotomani oyo na mbasirigwe nomomalaika bw’amakweri bw’Ezekieli 9. Tibakondora ngocha ase amare aigoro (otatiga 144,000 boka abwo babekeirwe ekemanyererio kia Nyasae nabwo baramore Yeso ogochicha ase amare aigoro). Bonsi baria batabwati ekemanyererio kia Nyasae tibakonyora borendi bonde bwonsi!”

C/A 40:4:24, 28.8.1993 Yeso agantebia, “Ekeene nabatebirie ng’a, goika igoro na ense nabiete, tegoeta enuguta eyemo gose aganto agake akamo ase amachiko, goika bionsi biikerane.” *Matayo* 5:18.

² “Chinyasae chiria chitatongete igoro na ense, nachisire korwa ase ense, tichiba inse y’erioba.” *Yeremia* 10:11.

“Morigie oria otongete egetuse gie ching’enang’eni chiria isano na ibere, na ekio gekorokwa Orioni, oria okoonchora omosunte ekerima oba emambia. Naende oonchora omobaso oba obotuko; oria okorangeria amache `enyancha,

oyaumora igoro ase ense (Yahweh nario erieta riaye).” *Amosi* 5:8.

Nonya Nimrodi (omochaki ogosasima gwa Chumapili kwa Babeli kw’enyasae ye risase), Tammuz (oyoiboretwe chitariki 25 omotienyi Oikomi na Kabere), Santa Claus, Ishtar (Easter), Easter bunny, Cupid, gose saitani (engaki y’omoyega bwa Halloween) tibatongete ching’enang’eni chiria isano na ibere nonya Orioni. YHWH (Yahweh; Yehova, omotongi o kare na kare oyotongete ebinto bionsi biatongete) nere otongete ching’enang’eni chiria isano na ibere na Orioni, ense na bionsi bireo.

³ CA 42:1:30 Ase igoro ekanisa eye yasirire, ekiagera basemeretie mwanabanto, goetera ase ogosasima emori y’etahabu.

C/A 42:1:74 Inkaigwa amang’ana aya: “Echenero Konibarensi [ya *abaAdibentista*] nigo ere omobisa o kristo, emori y’etahabu!”... Abaraa be Echenero Konibarensi tibakorete ensemo yabo; bateanirie abanto korwa ase enchera endonge, na abanto aba banacheirwe ekina!”

(11) “Onde oino tari oretoorie. Nigo morabe inse ase obwoba bw’ebirecha nomobisa o kristo, buna Hitira nabarwani esegi bare korigia Abayahudi igoro ase ense yonsi erio babatinyie korwa aroro buna chimbeba.”

(12) YESO akabatebia,

**“Onde oino tari
oraminchorie!”**

(13) YESO agakwana eri’omoerio,

“Bono okonyorwa kwabeire!

(14) Erio, nkamorora ogosieka egesieri ki’eema y’obomenyo. Na ngatigara egeka egeke aaria igoro, koba kirori ase ogotigana gokororekana maiso marore nabaAdibentista abasaria, na mwanabanto b’ense eye.

Chindoto na Amaroro
Egesieri 518, Oborori Namba 4

Oborori

(1) Inkarora omobisa o kristo ogotebia ebirecha biaye, “Ense nigo enga buna Sodomu na Gomorah. Ekio negesusuro kiabo. Nigo togochia kobanyenya bonsi pi nemeyio, buna ching’ondi. Nigo bare inse ase okobua gwaito. Bonsi tibabwati egekengero. Oborendi bwa igoro bwarusigwe ase bare. Tiga tobabutore emioyo!”

(2) Omobisa bwe chinkoro agatebia ebirecha biaye, “Abanto basangereirie enibo igoro ase ense eyio etabakonye. AbaAdibentista bakorire ebibe mamincha ya Nyasae obo. Banyorire egesusuro.”

(3) “Tiga tobae egesusuro! Tiga tobutore ebigoti biabo! Nase engencho y’amamocho abo. Kanga tibambwatetie gose gontegerera,” omobisa o kristo agateba; “tibabwati obotamero. Nyasae obo obatigire ase aria amabe arabanyore.”

(4) Bono abamalaika ba Nyasae tibarigi igoro ase ense. “**Ense nemanye obororo, YESO agantebia, obwo monto onde atanyare gokonya.**”

(5) “ARIMAGEDONI tekoyiera Abayahudi, gose abamenyi, **gose abaAdibentista, gose abanto abamwamu; nebiombe [emeroberio ye chidini] boigo mbanyenywe.**”

(6) YESO agantebia okomaanoka oko kw’ogokumia: “Ebiombe [*emeroberio ye chidini*] tibikominchoria. Mbiitwe ekiagera omobisa o kristo nigo agoteba ng’a kanga tibamotunyanete, ase engencho batabwati ESABATO y’Omochi Kare; tibarigi aba Nyasae.”⁴

(7) “Aba iga nigo bairire koba chimbeba igoro ase ense. Eyio nero enchera omobisa o kristo akorora ebiombe [*emeroberio ye chidini*],” YESO agantebia, omwana o Nyasae, “nigo bare abaye; nabaite bonsi.”

4 “Naende aye, kwana n’Abaisraeli, obatebie, Goika morende Chisabato chiane chioka, ekiagera echio nekemanyererio egati yane nainwe ebiaare ase ebiaare, erinde momanye ng’a ninche Yahweh oyokobachena.” *Okong’anya* 31:13.

(8) YESO agantebia: “Abanto ba Nyasae nigo babwate ekemanyererio eke kia Nyasae:⁵

ESABATO,

Ye rituko ria Chumamosi.

(9) Esegi ekaba igoro nomwana o Nyasae ase engencho ye rituko eri ri’ogotimoka,⁶

ESABATO y’Oyo Kare na Kare.

(10) YESO agateba, “Tegoeta enuguta eyemo, gose aganto agake akamo ase amachiko.”

(11) Eke nakio gekogera omobisa o kristo amo nebirecha biaye barakore esegi mamincha ya Nyasae, mamincha ya baria bakorenda **ESABATO Y’OYO KARE na KARE, rituko ria Chumamosi**, Ichuma ekero erioba rikogwa goika Chumamosi ekero erioba rikogwa. Aba nabwo abasasimi b’ekeene.”

(12) YESO agantebia: “Abasasimi b’ekeene, nigo bare “Abatigari” abake.

(13) Akang’orokeria: “**Filadelfia, “Entigari,” eyio yarwete ase obosaria bwa abaAdibentista, tari ero yoka ere ‘entigari’ igoro ase ense.**”

(14) YESO akang’orokeria ng’a nabwate ‘**abatigari’ babekirwe ekemanyererio nomouri o Nyasae ime ase ense.** Nigo bare Abayahudi buna ere, abwo banyorire **oboronge bwa YESO na babareirwe oboronge ase okwegena. Babekeirwe ekemanyererio nomouri o Nyasae** ase amasio abo igoro. Mbabe abamo ba 144,000.

(15) YESO akagenda gochia ime mono ekero aigorete egetabu egeke gia *Danieli* ekerabu, okoorokia obobani.

(16) Agantebia, “Tukia tekogwa korwa ase emetwe yabo, tukia teiyo eragwe. Saitani nebirecha biaye tibikonyara goeta ase enguba eye y’oborabu ebaetanaine.”

(17) “**Enguba eye,**” YESO agantebia, “**nigo ere abamalaika abarwani esegi ba igoro bakobarenda.**”

(18) “Saitani nebirecha biaye tibakonyara goeta ase enguba eye y’oborabu. Abayahudi abake ‘abatigari’ na ‘abatigari’ abake ba Filadelfia babekirwe

Chindoto na Amaroro 518 —Epechi 5—15.9.2016

ekemanyererio nomouri o Nyasae. Tibakomocha:” Tibakorusigwa amamocho gose kobekwa ase obosooku ase nchera ende yonsi.⁷ Omwana o Nyasae agantebia.

(19) “**NGOCHICHA NDE.**

Okonyorwa kwabeire

ase

ense!”

Jeanine Sautron

⁵ “Ne chingige chigasoka korwa ase erioki riria, chikagenda ase ense, chikaegwa okobua buna ebiuge bi’ense bire nakwo. Chirochio chigatebigwa tichisaria obonyansi bw’ense, gose kemberi kende, gose mote onde bwonsi, otatiga chisarie abanto baria batari nekemanyererio kia Nyasae ase amasio abo igoro.” Okomaanoka 9:3-4. Imbeke [YAHWEH amo naitwe] ase enkoro yao, imbe buna ebonyi ere nekemanyererio, ee, buna ebonyi ere nekemanyererio ase okoboko kwao. Obwanchani nigo bore ne chinguru buna amakweri.” Ogotera Gwa Sulemani 8:6. “Inche nomosabibu, na inwe nechinsagia. Oyo omenyete ime yane, na inche ime yaye, oyio name mono, ekiagera ntaiyo inche timokonyara gokora kende gionsi.” Yohana 15:5. “Komoranyanche, namorende nakoigwera amachiko aane. *Yohana* 14:15. “Intwe na omoika Omochenu, oyio Nyasae aeire bonisi abamoigwerete, nigo tore birori ase amang’ana aya.” Ogokora 5:32. “Onye korigetie gosoa ase obogima bwata amachiko.” Matayo 19;17. “Mobe abakori be ring’ana; timoba abakoigwa rioka, na kweng’aina inwe abanyene.” Yakobo 1:22. “Ere oyogoteba, nimomanyete, na tabwateti amachiko aye, oyio nomonyaborimo, gose ekeene tikeri ime yaye.”

1 Yohana 2:4.

⁶ “Erio esegi ekaba igoro; Mikaeli na abamalaika baye bakarwania enchoka [saitani]; na enchoka eria na abamalaika baye bakarwanera amo, korende tibabua...Ekeri enchoka eria yachia korora ng’a yatugutirwe ase ense, egachanda omokungu oria oiborete omwana omoisia...na enchoka [saitani]

eria ekaba nendamwamu ase omokungu oria, ekagenda gokora esegi ase oroiboro rwaye oro rwatigarete, ase abwo barendete amachiko a Nyasae [amo n'Esabato ye rituko ria gatano na kabere] na babwatete oborori bwa Yahshua masihi buna obore obochenu.” *Okomaanoka* 12:7,13,17. Omokungu ning'o? “Aiga nao okogenderera koremereria kore kwa abachenu; aiga nao bare

baria barendete amachiko a Nyasae [amo n'Esabato ye rituko ria 7] nokwegena [oborori] kwa Yeso.” *Okomaanoka* 14:12.

⁷ “Abatari korusigwa amamocho”: Abatarusigwe amamocho gose abatabekwe ase obosooku ase nchera ende yonsi.